

嘉慶十九年歲在甲戌刊成

# 華陽國志

題襟館藏

華陽國志序

先王之明曰三五家之闕書其恭放任  
之或曰其學行或或考其道德故民之  
其吏無不與知之者以漢魏以迄并地廢而王政門  
然猶時有所察旌勸而州都中正之職尚脩於郡  
國鄉閭士女之行多見於史官隋唐急事緩政此制  
遂廢而不舉潛德隱行非野史紀述則悉無見於時  
民日益漓俗日益卑此有志之士所為歎惜也昔常  
璩作華陽國志於一方人物丁寧反覆如恐有遺雖  
繼是之民井白之婦苟有可紀皆著於書且云得之





陳壽所爲者舊傳按壽嘗爲郡中正故能著述若此  
之詳自先漢至晉初踰四百歲士女可書者四百人  
亦可謂衆矣復至晉初至於周顯德僅七百歲而史  
所紀者無幾人忠魂義骨與塵埃野馬同沒於[巨]原  
者蓋亦多矣豈不重可歎息哉此書雖繁富不及承  
祚之精微然議論忠篤樂道人之善蜀記之可觀未  
有過於此者鏤行於世庶有益於風教云宋元豐戊  
午秋日呂大防微仲撰

重刊華陽國志序

古者封建五等諸侯國皆有史以記事後世罷封建  
爲郡縣然亦必有圖志以其述蓋以疆域旣殊風俗  
各異山川有險要阨塞之當備郡邑有廢置割隸之  
不常至於一士之行一民之謠皆有不可沒者顧非  
筆之於書則不能也周官職方氏掌天下之地圖辨  
其邦國都鄙夷蠻閩蠻五戎六狄之人民與其財用  
之數要至於九穀之所宜六畜之所產亦未嘗不佔  
畢而紀其詳况夫環數千里之地分城置邑殆踰數  
其中開時異事變往往裂爲偏方霸國其理亂得失



蓋有繫天下大數安可使放絕而無聞乎此晉常璩  
華陽國志之作所以有補於史家者流也予嘗考其  
書部分區別各有條理其指歸有三焉首述巴蜀漢  
中南中之風土次列公孫述劉二牧蜀二主之興廢  
及晉太康之混一以迄於特雄壽勢之僭竊繼之以  
兩漢以來先後賢人梁益寧三州士女總贊序志終  
焉就其三者之間於一方人物尤致深意雖侏離之  
氓賤俚之婦苟有可取在所不棄此尤足以宏宣風  
教使善惡知所懲勸豈但屑屑於山川物產以資廣  
見異聞而已乎宋朝元豐間呂汲公守成都嘗刊是

書以廣其傳而載輿荒忽刊缺愈多觀者莫曉所謂  
予每患此久矣假守臨邛官居有暇蓋嘗博訪善本  
以證其誤而莫之或得因撫兩漢史陳壽蜀書益部  
耆舊傳互相參訂以決所疑凡一事而先後失序本  
末舛逆者則考而正之一意而詞旨重複句讀錯雜  
者則刊而去之設或字誤而文理明白者則因而全  
之其他旁搜遠取求通於義者又非一端凡此皆有  
明驗可信不誣者若其無所考據則亦不敢臆決姑  
闕之以俟能者然較以舊本之訛謬大略十得五六  
矣鈔本既具輒敘所以冠於篇首好古博雅與我同



志者願無以夏五郭公之義而律之嘉泰甲子季夏朔眉丹稜李至叔廔甫謹序

撰世校序

華陽國志目錄

第一 巴志

第二 漢中志

第三 蜀志

第四 南中志

第五 公孫述劉二牧志

第六 劉先志

第七 劉後志

第八 大同志

第九 李特雄期壽勢志



第十

先賢士女總讚

第十一

後賢志

第十二

序志并益梁寧三州先後  
以來士女名目錄

校刊華陽國志序

唐已前方志存者甚少惟三輔黃圖及晉常璩華陽國志最古三輔黃圖爲宋人增亂華陽國志明刻本俱缺卷十之上中兩卷近時始有補完本而皆舛誤不可讀予家益土念搜討古迹莫先於此志求善本不得前十餘年由中州葉令擢守京江唐刺史仲寃告予謂陽湖孫觀察星衍有季氏振宦家所錄宋嘉泰四年李奎刻本擬卽借刊後以右遷觀察至豫章未遂其願及再來江淮司轉運之事官閣餘暇披閱此書因借數本合校之又參以書傳所引舊文訂定



譌錯按李奎序稱凡一事而先後失序本末舛逆者則考而正之一意而詞旨重複句讀錯雜者則刊而去之設或字誤而文理明白則因而全之是其本已經至刪改故蜀志汶山郡與越巂郡誤連而少汶山屬縣及漢嘉郡士女讚少巴郡第二又三國志注引此書有李宓陳情表而今本無之此類悉加補正或附按語以諭學者雖元豐間呂汲公大防所刻不可得見無以全復常氏舊觀其視至本則固有過之無不及矣元和顧茂才廣圻是正諸書最稱審密竭半歲之力爲予督工開雕故能精緻古雅不減宋元佳

刻孫觀察雅好流傳古書又見近世脩志者空無故實慨占地理片之放佚嘗欲刊行舊本以備一方掌故先校刊三輔黃圖長安志於關中又刊建康志於江左每惜浙中未將乾道咸淳臨安兩志付梓又因脩志松江先刊楊潛雲間志今此書成於晉魏之間古字古義尤足證佐經史後有修演蜀方志者據以爲典則誠藝林之勝事也其書稱華陽者晉代梁益甯三州故禹貢梁州之域爲今四川省及雲南并陝西漢中迤南之境按禹貢華陽黑水惟梁州注疏以華爲華岳恐此華在迤東陽爲荊州非梁州秦本紀



武公元年伐彭戲氏。至於華山下，居平陽，封宮。正義曰：封宮在岐州平陽城內也。則此華山在岐州之北。其南正值梁益，與太華不同。黑水據括地志云：源出梁州城固縣西北太山，亦與三危之黑水殊異。說經者誤以此為滇池之黑水。又謂瀘水皆誤。然常氏書以此為名而未記載，辨析惟蜀志云：五岳則華山表其陽，特用補其義云。嘉慶十九年歲在甲戌清明節，兩淮都轉鹽運司使鄰水廖寅序。

金陵劉文奎中太楷錫

補華陽國志三州郡縣目錄

鄰水廖寅

巴郡 屬縣七

江州

枳

臨江

平都

墊江

樂城

常安



巴東郡 屬縣四

魚復

胸忍

漢豐

南浦

涪陵郡 屬縣五

涪陵

丹興

漢平

萬寧

漢髮

巴西郡 志云屬縣七又云其三縣為郡謂分置宕渠郡也

閬中

南充國

安漢

平州

宕渠郡 屬縣三

宕渠

漢昌

宣漢



漢中郡 屬縣六

南鄭

沔陽

褒中

成固

蒲池

西鄉

魏興郡 屬縣六

西城

錫

安康

興晉

郎鄉

洵陽

上庸郡 屬縣五 舊有安樂誤也今不列

上庸

北巫

武陵

安富

微陽



新城郡 屬縣四

房陵

沔鄉

昌魏

綏陽

梓潼郡 屬縣五

梓潼

涪

晉壽

白水

武都郡 屬縣九

漢德 舊誤作廣 漢德陽二縣 令改正 說具在志中

下辨

武都

上祿

故道

河池

沮

平樂

脩成



嘉陵

陰平郡 屬縣四

陰平

甸氏

平武

剛氏

右梁州

蜀郡 屬縣六

成都

郫

繁

江原

臨邛

廣都

廣漢郡 屬縣八

雒

緜竹

什邡

新都

五城



鄴

廣漢

德陽

犍爲郡 屬縣五

武陽

南安

犍道

牛鞞

資中

江陽郡 屬縣四

江陽

漢安

符

新樂

汶山郡 屬縣全闕

晉書地理志云統縣八汶山升遷都安廣陽興樂平康蠶陵廣柔說具在志中

漢嘉郡 屬縣全闕

晉書地理志云統縣四漢嘉徙陽嚴道旄牛說具在志中

越嶲郡 屬縣十二

邛都



臺登

闡

蘇示

會無

大祚

定祚

三縫

卑水

潛街

安上

馬湖

右益州

牂柯郡

屬縣四

萬壽

且蘭

廣談

毋斂

平夷郡

屬縣二

平夷

暨



夜郎郡

屬縣二

夜郎

談指

晉甯郡

屬縣七

滇池

同勞

同安

連然

建伶

母單

秦臧

建甯郡

屬縣十三

味

牧麻

同樂

穀昌

同瀨

雙柏

存颯

昆澤



漏江

談橐

伶丘

脩雲

俞元

舊誤作新定今改  
此說具在志中

平樂郡

屬縣四

新定

興遷

平樂

三沮

朱提郡

屬縣五

朱提

堂螂

南秦

漢陽

南昌

南廣郡

屬縣四

南廣

臨利

常遷



新興

永昌郡 屬縣八

不韋

比蘇

哀牢

永壽

巋唐

雍鄉

南涪

博南

雲南郡

屬縣五

志云屬縣七又云其縣二別為郡謂分置河陽也

雲南

葉榆

遂久

弄棟

蜻蛉

河陽郡

屬縣四

郡分雲南二縣又新立二縣今志存河陽一縣故知脫其三縣也

河陽

關

關



關

梁水郡 屬縣三

梁水

賁古

西隨

興古郡 屬縣七

宛温

律高

鐔封

句町

漢興

勝休

都唐

西平郡 屬縣三

盤江

來如

南零

右甯州

常璩是書巴志漢中志為梁州蜀志為益州南  
中志為甯州其郡縣未列子目殊難尋檢李至



所刻脫落錯誤讀者尤不明晰予既訂正刊行  
復作此目錄一通古人著述例以目居全書之  
後據之士女目錄亦然故今更附其末云

補華陽國志梁益寧三州郡縣目錄終

華陽國志卷第一

未詳校定夏九年庚寅劉奇補補正其高抄補校公傳  
華陽國志卷第一

東漢志  
吳巴志

昔在唐堯洪水滔天鯀功無成聖禹嗣興導江疏河  
百川蠲條封殖天下因古九圍以置九州仰稟參伐  
俯壤華陽黑水江漢為梁州厥土青黎厥田惟下上  
厥賦惟下中厥貢璆鐵銀鏤咎磬熊羆狐狸織皮於  
是四隩既宅九州攸同六府孔脩庶士交正底春財  
賦成貢中國蓋時雍之化東被西漸矣歷夏殷周  
歷虞夏殷周禮九州牧伯率職周文為伯西有九國及  
武王克商并徐合青省梁合雍而職方氏猶掌其地



辨其土壤甄其寶利迄於秦帝漢興高祖藉之成業

乃改雍曰涼革梁曰益故巴漢庸蜀屬益州至魏咸

熙元年平蜀始分益州巴漢七郡置梁州治漢中以

相國參軍中山耿黼為刺史元康六年廣漢益

州當作廣更割雍州之武都陰平荊州之新城上庸

魏興以屬焉凡統郡一十一當作二按巴漢七郡者

西四宕渠五漢中六梓潼七也所廣益者武都入陰

平九新城七上庸十一魏興十二故梁州之統郡一

也十二縣五十八洛書曰人皇始出繼地皇之後

兄弟九人分理九州為九仞人皇居中州制八輔華

陽之壤梁岷之域是其一囹圄中之國則巴蜀矣其

分野輿鬼東井其君上世未聞五帝以來黃帝高陽

之支庶世為侯伯及禹治水命州巴蜀以屬梁州禹

娶於塗山辛壬癸甲而去生子啓呱呱啼不及視三

過其門而不入室務在救時今江州塗山是也帝禹

之廟銘存焉會諸侯於會稽執玉帛者萬國巴蜀往

焉周武王伐紂實得巴蜀之師著乎尚書巴師勇銳

歌舞以凌殷人前徒倒戈故世稱之曰武王伐紂前

歌後舞也武王既克殷以其宗姬封於巴葉爵之以子

古者遠國雖大爵不過子故吳楚及巴皆曰子

其地東至魚腹西至犍道北接漢中南極黔涪土植



五穀牲具六畜桑蠶麻紵魚鹽銅鐵丹漆茶蜜靈龜  
巨犀山雞白雉黃潤鮮粉皆納貢之其果實之珍者  
樹有荔芰蔓有辛蒟園有芳菊香茗給客橙當發作  
橙字其藥物之異者有巴戟天椒竹木之瓊者有  
桃支靈壽其名山有塗籍靈臺石書刊山其民  
質直好義土風敦厚有先民之流故其詩曰川崖惟  
平其稼多黍旨酒嘉穀可以養父野惟阜上彼稷多  
有嘉穀旨酒可以養母其祭祀之詩曰惟月孟春賴  
祭彼崖永言孝思享祀孔嘉彼黍既潔彼犧惟澤蒸  
命良辰祖考來格其好古樂道之詩曰日月明明亦

惟其名誰能長生不朽難獲躋有又曰惟德實寶富  
貴何常我思古人令聞令望而其失在於重近魯純  
俗素樸無造次辨麗之氣其屬有濮賓且其奴讓夷  
蜚之蠶 周之仲世雖秦王職與秦楚鄧爲比春  
秋魯桓公九年巴子使韓服告楚請與鄧爲好楚子  
使道朔將巴客聘鄧鄧南部攻而奪其幣巴子怒伐  
鄧敗之其後巴師楚師伐申楚子驚巴師 魯莊  
公十八年巴伐楚克之 魯文公十八年巴與秦  
楚共滅庸 哀公十八年巴人伐楚敗於鄢  
是後楚主夏盟秦擅西土巴國分遠故於盟會希



戰國時嘗與楚婚及七國稱王巴亦稱王 周

之季世巴國有難將軍蔓子請師於楚許以三城

楚王救巴巴國既甯楚使請城蔓子曰藉楚之靈克

弭禍難誠許楚王城將吾頭往謝之城不可得也乃

自刎以頭授楚使王嘆曰使吾得臣若巴蔓子用城

何為乃以上卿禮葬其頭巴國葬其身亦以上卿禮

周顯王時楚國衰弱秦惠文王與巴蜀和好蜀

王弟苴當新私親於巴巴蜀世戰爭 周慎王五

年蜀王伐苴侯苴侯奔巴巴為求救於秦秦惠文王

遣張儀司馬錯救苴巴遂伐蜀滅之儀貪巴苴之富

原不巴苴作巴道

因取巴執王以歸置巴蜀及漢中郡分其地為一當

縣儀城江州司馬錯自巴泔水取楚商於地為黔中

郡 秦昭襄王時白虎為害自秦蜀巴漢患之秦

王乃重募國中有能煞虎者邑萬家金帛稱之於是

夷駒以忍以廖仲藥何射虎秦精等乃作白竹弩於高樓

上射虎中頭三節箭白虎常從羣虎噴志志搏煞羣虎

大响而死秦王嘉之白虎歷四郡害千二百人一朝

患除功莫大焉欲知約要王嫌其夷人乃刻石為盟要

復夷人頃田不租租妻不笄傷人言論煞人罪死侯

錢盟曰秦犯夷輸黃龍一雙夷犯秦輸清酒一鍾夷

原不巴苴作巴道



人安之漢興亦從高祖定亂有功高祖因復之專以射白當虎為事戶歲出寶錢口四十故世號白虎復夷一曰板楯蠻今所謂弼頭虎子者也 漢高帝

滅秦為漢王王巴蜀閬中人范目有恩信方略知帝

必定天下說帝為募化寶民要與共定秦秦地既定

封目為長安建章鄉侯帝將討關東寶民皆思歸帝

嘉其功而難傷其意遂聽還巴謂目曰富貴不歸故

鄉如衣繡夜行耳徙封閬中慈李善蜀都賦注引風俗通有見字疑此脫

鄉侯目固辭乃封渡沔縣當待日錄無此字侯故世謂亡秦

范三侯也目復除民羅朴咎鄂度夕龔李善蜀都賦注引風俗通

作龔疑此誤今本後漢書板楯傳作龔蓋李善依彼改耳七姓不供租賦 閬

中有渝水寶民多居水左右天性勁勇初為漢前鋒

陷陣銳氣喜舞帝善之曰此武王伐紂之歌也乃令

樂人習學之今所謂巴渝舞也天下既定高帝乃分

巴置廣漢郡 孝武帝又兩割置犍為郡故世曰

分巴割蜀以成犍廣也 自時厥後五教雍和秀

茂挺逸英偉既多而風謠旁作故朝廷有忠貞盡節

之臣鄉黨有主文歌詠之音巴郡譙君黃任成哀之

世為諫議大夫數進忠言後違避王莽又不事公孫

述述怒遣使賞樂酒以懼之君黃笑曰吾不省藥乎

述述怒遣使賞樂酒以懼之君黃笑曰吾不省藥乎



其子瑛納錢八百萬得免國人作詩曰肅肅清節士  
執德實固貞違惡以授命沒世遺令聲 巴郡陳

紀山為漢司隸校尉嚴明正直西虜獻眩王庭試之

分公卿以為嬉紀山獨不視京師稱之巴人歌曰築

室載直梁國人以貞真邪媿不揚目世五條在行不動身奸

軌避乎遠理義協乎民 巴郡嚴王思為揚州刺

史惠愛在民每當遷官吏民塞路攀轅詔遂留之居

官十八年卒百姓若喪考妣義送者賫錢百萬欲以

贍王思家其子徐州刺史不受送吏義崇不忍持還

乃散以為食食行客巴郡太守汝南應季先善而美

之乃作詩曰乘彼西漢潭潭其淵君子愷悌作民二

親沒世遺愛式鏡後人 漢安帝時巴郡太守連

失道國人風之曰明明上天下土是觀帝選元后求

定民安孰可不念禍福由人願君奉詔惟德日親

永初中廣漢漢中羌反虐及巴郡有馬妙新妻義

王元憤妻姬趙蔓君妻華夙喪夫執其妾之節守一

醮之禮號曰三貞遭亂兵迫匿懼見拘辱三人同時

自沈於西漢水而沒死有黃鳥鳴其亡處徘徊焉國

人傷之乃作詩曰關關黃鳥爰集於樹窈窕淑女是

繡是繡維彼繡繡其心匪石嗟爾臨川逸不可獲



永建中泰山吳資元約為郡守屢獲豐年民歌之  
 曰習習晨風動澍雨潤乎苗我后恤時務我民以優  
 饒及資遷去民人思慕又曰望遠忽不見惆悵常徘徊  
 恩澤實難忘悠悠心永懷 孝桓帝時河南李  
 盛仲和為郡守貪財重賦國人刺之曰狗吠何誼誼  
 有吏來在門披衣出門應府記欲得錢語窮乞請期  
 吏怒反見尤旋步顧家中家中無可為思往從鄰貸  
 鄰人曰言匱錢錢何難得令我獨憔悴 漢末政  
 衰牧守自擅民人思治作詩曰混混濁沼魚習習激  
 清流溫溫亂國民業業仰前脩 其德操仁義文

學政幹若洛下閔仔文公馮鴻卿龐宣孟元文和趙

溫柔龔升侯楊文義等播名立事言行表世者不勝

次載者也 孝安帝元初三年涼州羌人漢中殺

太守董炳擾動巴中中郎將尹就討之不克益州諸

郡皆起兵禦之三府舉廣漢王堂為巴郡太守撥亂

致治進賢達士貢孝子嚴永隱士黃錯名儒陳髦俊

士張璠家巴郡士女目錄越高太守張璠子太守

皆至大位益州刺史張喬表其尤異徙右扶風民為

立祠 孝桓帝以并州刺史泰山但望字伯闔為

巴郡太守勲卹民隱郡文學掾容渠趙芬掾宏農馮



尤塾江龔榮王祈李溫臨江嚴就胡良文愷安漢陳  
禧閩中黃聞江州母成陽譽喬就張紹牟存平直等  
詣望自訟曰郡境廣遠千里給吏兼將人從冬往夏  
還夏單冬復惟踰時之役懷怨曠之思其昏喪吉凶  
不得相見解緩補綻下至薪菜之物無不躬買於市  
富者財得自供貧者無以自久是以前是以清儉天枉不聞  
加以水陸艱難山有猛獸思迫期會隕身江河投死  
虎口咨嗟之歎歷世所苦天之應感乃遭明府欲爲  
更新兒童匹婦歡喜相賀將去遠就近釋危蒙安縣  
無數十民無遠邇恩加未生澤及來世巍巍之功勒

於金石乞以文書付司掾史人鬼同符必獲嘉報芬  
等幸甚望深納之郡戶曹史祝璠有白望曰芬等前  
後百餘人歷政訟訴未蒙感寤明府運機布政稽當  
皇極爲民庶請命救患德合天地澤潤河海開闢以  
來今遇慈父經曰奕奕梁山惟禹甸之有倬其道韓  
侯受命比隆等盛於斯爲美永興二年三月甲午望  
上疏曰謹按巴郡圖經境界南北四千東西五千周  
萬餘里屬縣十四鹽鐵五官各有丞史戶四十六萬  
四千七百八十口百八十七萬五千五百二十五遠  
縣去郡千二百至千五百里鄉亭去縣或三四百或



德原不保能

及千里士界遐遠令尉不能窮詰姦凶時有賊發督  
郵追案十日乃到賊已遠逃蹤跡滅絕罪錄逮捕證  
驗文書詰訊即從春至冬不能究訖繩憲未加或遇  
德令是以賊盜公行姦宄不絕榮等及隴西太守馮  
含上谷太守陳宏說往者至有劫園中令湯殷終津  
侯姜昊傷尉蘇鴻彭亭侯孫魯雍亭侯陳已殷侯樂  
普又有女服賊千有餘人布散千里不即發覺謀成  
乃誅其水陸覆害煞郡掾枳謝盛寒威張御魚復令  
尹等主簿胡直若此非一給吏休謁往還數千閉囚  
須報或有彈劾動便歷年吏坐踰科恐失冬節侵疑

原本塞字言天賦校

原本不保能

原本不保能

先死如當移傳不能待報輒自刑戮或長吏忿怒冤  
枉弱民欲赴訴郡官每憚還往太守行農桑不到四  
縣刺史行部不到十縣郡治江州時有溫風遙縣客  
吏多有疾病地勢剛當作剛險皆重屋累居數有  
火害又不相容結筋水當作水林五百餘家承三當作三見  
江之會夏水漲盛壞故顛溺死者無數而江州以東  
濱江山險其人半楚姿態敦重墊江以西土地平敞  
精敏輕疾上下殊俗情性不同敢欲分爲二郡一治  
臨江一治安漢各有桑麻丹漆布帛魚池鹽鐵足相  
供給兩近京師榮等自欲義出財帛造立府寺不費



縣官得百姓懽心孝武以來亦分吳蜀諸郡聖德廣  
被民物滋繁增置郡土釋民之勞誠聖主之盛業也  
臣雖貪大郡以自優假假不忍小民顛顛蔽隔謹具以  
聞朝議未許遂不分郡分郡之議始於是矣 順  
桓之世板楯數反太守蜀郡趙溫恩信降服於是宕  
渠出九穗之禾胸思忍有連理之木 光和二年初  
楯復判攻害三蜀漢中州郡連年苦之天子欲大出  
軍時征役疲弊問益州計曹考以計方略益州計曹掾  
程包對曰板楯七姓以射白虎為業立功先漢本為  
義民復除徭役但出寶錢日歲四十其人勇敢能戰

昔羌數入漢中郡縣破壞不絕若線後得板楯來虜

彌當作盡盡號為神兵羌人畏忌傳語種輩勿復南行

後建寧漢書建寧二年羌復入漢牧守遑遑賴板楯

破之若後板楯則對漢之民為左衽矣前車騎將軍

馮緄南征雖授丹陽精兵亦依板楯近益州之亂朱

龜以并涼勤奉討之無功太守李暉以板楯平之忠

功如此本無惡心長吏鄉亭更賦至重僕役過於奴

婢箠楚降於囚虜至乃嫁妻賣子或自剄陳寃州

郡牧守不理去闕庭遙遠不能自聞含怨呼天叩心

窮谷愁於賦役困乎刑酷邑域相聚以致叛戾并有



深謀至計僭號不軌但選明能牧守益其資穀安便  
賞募從其利隙自然安集不煩征伐也昔中郎將尹  
就伐羌擾動益部百姓諺云虜來尚可尹將殺我就  
徵還後羌自破退如臣愚見權之遣軍不如任之州  
郡天子從之遣太守曹謙宣詔降赦一朝清戢  
獻帝初平元年東征中郎將安漢趙穎建議分巴爲  
二郡穎欲得巴舊名故曰益州牧劉璋以墊江以上  
爲巴郡江南麗義爲太守治安漢以江州至臨江爲  
永寧郡胸忍至魚復爲固陵郡巴遂分矣 建安  
六年魚復塞允白璋爭巴名璋乃改永寧爲巴郡以

固陵爲巴東徙義爲巴西太守是爲三巴於是涪陵  
謝本白璋求以丹興漢髮二縣爲郡初以爲巴東屬  
國後遂爲涪陵郡分後屬縣七戶二萬去洛三千七  
百八十五里東接胸忍西接蔣當符縣南接  
涪陵北接安漢德陽 巴子時雖都江州或治墊  
江或治平都後治閬中其先王陵墓多在枳其畜牧  
在沮今東突碇下畜沮是也又立市於龜亭北岸今  
新市里是也其郡東枳有明月碇廣德也此有誤  
注向之當作黃葛碇故下文言巴亦有三碇續漢書  
志注引此作廣德碇亦是傳寫之誤而李平又依彼  
誤取故巴亦有三碇 巴楚數相攻伐故置打關



陽關及沔關 漢世郡治江州巴水北有甘橘

今北府城是也後乃遷南城劉先主初以江夏費璿

當作觀見為太守領江州都督後督護李嚴更城大

城周迴十六里欲穿城後山自汶江通水入巴江使

城為州求以五郡置巴州丞相諸葛亮不許亮將北

征召嚴漢中故穿山不逮然造蒼龍白虎門別郡縣

倉皆有城嚴子豐代為都督豐解後梓潼李福為都

督 延熙中車騎將軍鄧芝為都督治陽關

十七年省平都樂城常安 咸熙元年但四縣以

鎮西參軍隴西當有怡思和為太守二部守軍

江州縣 郡治 塗山有禹王祠及塗后祠北

水有銘書詞云漢初犍為張君為太守忽得仙道從

此升度今民曰張府君祠縣下有清水穴巴人以此

水為粉則膏暉鮮芳貢粉京師因名粉水故世謂江

州墮休當作休見粉也有荔菱因至熟二千石常設

廚膳命士大夫共會樹下食之縣北有稻田出御米

陂池出蒲蒹蒨其冠族有波鈿毋謝然慍楊白上

官程常世有大官也

枳縣 郡東四百里治涪陵水會土地確瘠時多

人上有章常連黎牟陽郡冠首也



臨江縣

枳東四百里接胸忍有鹽官在監塗二

溪一郡所仰其豪門亦家有鹽井又嚴甘文楊村為

大姓晉初文立實作常伯納言左右楊宗符當作稱

武隆當作陵讀以楊宗有稱武陵六字人在吳為孫

氏虎臣也按此有誤也考三國志甘靈傳云巴郡

平都縣 蜀延熙時省大姓殷呂蔡氏

墊江縣 郡西北中水四百里有桑蠶牛馬漢時

龔榮以俊才為荊州刺史後有龔揚趙敏主以令德為

巴郡太守瀘于長寧雅有美貌黎夏杜皆大姓也

樂城縣 在西州江當有二百里延熙十七年省

常安縣

亦省

巴東郡先主入益州改為江關都尉

建安二十

一年以胸忍魚舊有空格當是脫漢豐也胸忍一

六故云六縣也都郡故云及宜都之北并木局宜羊渠及宜都之北

井六縣為固陵郡武陵康立為太守 章武元年

胸忍徐惠魚復在機以失巴名上表自訟先主聽復

為巴東南郡輔臣為太守先主征吳於夷道還營

郡以尚書令李嚴為都督造設圍戍嚴還江州征西

將軍汝南陳到為都督到卒官以征北大將軍南陽

宗預為都督預還內領軍襄陽羅獻為代蜀平獻仍



其任拜凌江將軍領武陵太守 泰始二年吳大將步闡唐咨攻獻獻保城咨西侵至胸忍故蜀尙書郎巴郡楊宗告急於洛未還獻出擊闡大破之咨退獻遷監軍假節安南將軍封西鄂侯入朝加錫御蓋朝服吳武陵太守孫恢寇南浦安蠻護軍楊宗討之退走因表以宗爲武陵太守任南浦誘卹武陵蠻夷得三縣初附民獻卒以犍爲太守天水楊攸爲監軍攸遷涼州刺史朝議以唐彬及宗爲代晉武帝問散騎常侍文立曰彬宗孰可用立對曰彬宗俱立事終在西不可失者然宗才誠佳有酒嗜彬亦其人性在

財欲惟陛下裁之帝曰財欲可足酒嗜難改遂用彬

爲監軍加廣武將軍 迄吳平巴東後省羊渠置

南浦 晉大康初將巫北井還建平但五 臨作縣

去洛二千五百里東接建平南接武陵西接巴郡北

接房陵奴獫夷蠻之蠻民

魚復縣 郡治 公孫述更名白帝章武二年

改曰永安咸熙初復有橋官又有澤水神天旱鳴鼓

於傍卽雨也

响忍縣 郡舊脫此字 西二北九十里水道有東

陽下置數灘山有大小石城勢壑高木 當有橋關二



不鹽井靈龜咸熙元年獻靈龜於相府大姓扶先徐

氏漢時有扶徐荆州著石當作名楚訪當作記有引

頭白虎復夷者也舊校云著石楚訪四字未詳弱其

又渠梁切文一重音三

漢豐縣 建安二十一年置在郡西安彭溪源

南浦縣 郡南三百里晉初置主夷

郡與楚接人多勁勇少文學有將帥材

涪陵巴郡之南鄙從枳南入析丹涪水本與楚商於

之地接秦將司馬錯由之取楚商於地為黔中郡也

漢後恆有都尉守之舊屬縣五去洛五千一百七十

里東接巴東南接武陵西接牂柯北接巴郡土地山

險水灘人慙勇多獲蠻之民縣邑阿黨鬪訟必死無

蠶桑少文學惟出茶丹漆蜜蠟漢時赤甲軍常取其

民蜀丞相亮亦發其勁卒三千人為道督士遂移家

漢中 延熙十三年大姓徐巨反車騎將軍鄧芝

討平之見元猿緣其山芝性好弩手自射猿中之猿

子拔其箭卷木葉塞其創芝嘆曰噫吾傷物之性其

將死矣乃移其家徐蘭謝范五千家於蜀為獵射官

分羸弱配督將韓將名為助郡軍遂世掌部曲為大

姓晉初移弩士於馮翊逆勾其人性質直雖徙他所



風俗不變故迄今有蜀漢關中涪陵其爲軍在南方者猶存  
靈義 山有大龜其甲可卜其緣可作乂世號

涪陵縣 郡治

丹興縣 蜀時省山出名丹

漢平縣 延熙十三年置

萬寧縣 孝靈帝時置本名永寧

漢髮縣 有鹽井

諸縣北有獾蜚又有蟾夷也

巴西郡屬縣七去洛二千八百一十五里東接巴郡

南接當有梓潼北接涼當西城土地出原多平

有牛馬桑蠶其人自先漢以來傀偉倣儻冠冕三巴

及郡分後叔布榮始周萃父子程公宏等或學兼三

才或精秀奇逸其次馬盛衡承伯才藻清妙龔德緒

兄弟英氣匪然黃公衡應權通變馬德信王子均勻

孝興張伯岐建功立事劉二主之世稱美荆楚乃先

漢以來馮車騎范鎮南皆補斯鄉故曰巴有將蜀有

相也及晉譙侯脩文於前陳君煥炳於後並遷雙岡

侍奉穎世甄在傳記縉紳之徒不勝次載焉

閬中縣 郡治 有彭池大澤名山靈臺見文



卷一

任黃巖也  
按文緯書當作孔子識大姓有三狐五馬蒲趙

南充國縣 和帝時置有鹽井大姓侯譙氏

安漢縣 號出人士大姓陳范閻趙

平州縣

其二縣為郡 按二當作三即宕渠郡之

宕渠郡延熙中置以廣漢王士為太守郡建九年省

永興元年李雄復置今遂為郡長老言宕渠蓋為故

賓國今有賓城廬城秦始皇時有長人二十五丈見

宕渠秦史胡母敬曰是後五百年外必有異人為大

人者及雄之王祖世出自宕渠有識者皆以為應之

先漢以來士女賢貞縣民車騎將軍馮緄大司農元

賀大鴻臚龐雄梓楊太守李溫等皆建功立事有補

於世緄溫各葬所在 當作常以三月二子之窆還鄉

里水暴漲郡縣吏民莫不於水上祭之其列女節義

在先賢志

宕渠縣 郡治 有鐵官石窰山園所採也

漢昌縣 和帝時置大姓勾氏

宣漢縣 今省

右巴國凡分為五郡二十三縣

卷一



誤本亦謂有圖說

原本郭字無校

誤曰巴國遠世則黃炎之支封在周則宗姬之戚親  
故於春秋班倅秦楚示甸衛也若蔓子之忠烈范日  
之果毅風涓俗厚世挺名將斯乃江漢之含靈山岳  
之精爽乎觀其舊校云闕足以知其敦壹矣昔沙麓崩卜  
偃言其後當有聖女興元城郭當作建公謂王翁孺  
屬當其時故有政君李雄宕渠之斯伍略陽之黔首  
耳起自流隸君獲當作獲士民其長人之魄良有以  
也

華陽國志卷第一

華陽國志卷第二

漢中志

漢中郡本附庸國屬當有周赧王二年秦惠文王置

郡因水名也漢有二源東源出武都氐道漾山四名

漾禹貢流漾為漢是也西源出隴西當有水經注引不誤

嶓冢山會白水經葭萌入漢始源曰沔故曰漢沔在

詩曰滔滔江漢南國之紀其應上照於天又曰惟天

有漢其分野與巴蜀同占其地東接南嶽南接廣漢

西接隴西陰平北接秦川厥壤沃美賦貢所出略侔

三蜀六國時楚強盛略有其地後為秦恆成爭地漢



高帝既克秦獲子嬰項羽封高帝爲漢王王巴蜀三十一縣帝不悅丞相蕭何謀曰雖王漢中之惡不猶愈於死乎且語曰天漢其稱甚美夫能屈於一人之下則伸於萬乘之上者湯武是也願大王王漢中撫其民以致賢人收用巴蜀還定三秦天下可圖也帝從之都南鄭及項籍弒義帝高帝東伐蕭何常居守漢中足食足兵既定三秦蕭何鎮關中資其衆卒平天下以田叔爲漢中守屬縣十二去洛一千九十一里叔既饋以軍餼又致名材立宮室帝嘉之後爲魯相然以帝業所興不封藩王自叔之後世脩文教有

倣儻之士異人並挺鄧公抗言於孝景之朝以明忠

枉之情張騫特以蒙險遠爲孝武帝開綠邊之地賓

沙越之國致大宛之馬入南海之象而中渠瑪瑙珊瑚

瑚琳碧爛寶明珠玳瑁虎魄水晶琥珀琉璃火浣之布蒲

桃之酒節竹筍醬味方奇玩盈於市朝振揚威靈被

於幽裔遂登九列杖節繡衣副符博望谷口子眞奉

箕穎之操湛然岳立不營不求德聲邁流揚王孫應

至人之概自建武以後羣儒脩業門按圖緯漢

之宰相當出坤鄉於是司徒李公屢登七政太傅子

堅堯世論道其珪璋瑚璉之器則陳伯李李



子當廢陳字陳術自申伯之徒文秀瑋睦其州牧

郡守冠蓋相繼於西州為盛蓋濟濟焉莽時公

孫述據蜀跨有漢中當秦隴之徑每懼於其害

安帝永初二年陰平武都羌反入漢中殺太守董炳

沒略吏民四年羌復來太守鄭廩出屯褒中欲

與羌戰主簿殷崇陳諫諫舊誤禪今改正以為但可堅守來虜

乘勝其鋒不可當廩不從戰敗績崇與門下史王宗

原展及崇子勃兄子伯生力戰捍廩并命功曹程信

素居守馳來赴難冒寇殲殪虜遂大盛天子乃拜

巴郡陳禪為漢中太守虜素憚禪更來盤結譚禪知攻

守未可卒下而年荒民困乃矯詔赦之大小咸服既

誅其亂首天子善之徒禪左馮翊太守程信怨恥乃

結故吏冠蓋子弟嚴學李容姜濟陳巴已曹廉勾矩劉

旌等二十五人誓志報羌各募壯士豫結同死以待

寇太守鄧成命信為五官掾等門下官屬元和

當作初二年羌復來巴郡板楯掾之信等將其士卒力

奮討大破之信被八創二十五人戰死自是後羌不

敢南向五年天子下詔褒嘆信崇等賜其家穀

各千斛宗展學等家穀各五百斛列書東觀每新太

守到必先存問其家以羌畏服陳禪拜禪子澄漢中



太守

漢末沛國張陵學道於蜀鶴鳴山造作道

書自稱太清元元以惑百姓陵死子衡傳其業衡死

子魯傳其業魯字公祺以鬼道見信於益州牧劉焉

魯母有少容往來於焉家 初平中以魯為督義

馬住漢中斷谷道魯既至行寬惠以鬼道教立義舍

置義米義肉其中行者取之量腹而已不得過多云

鬼病之其市肆賈平亦然犯法者三原而後行刑學

道未信者謂之鬼卒後乃為祭酒巴漢夷民多便之

其供道限出五斗米故世謂之米道扶風蘇固為漢

中太守魯遣其黨張脩攻固成固人陳調素遊俠學

兵法固以為門下掾說固守捍禦寇之術固不能用

踰牆走投南鄭趙嵩嵩將俱逃賊盛固遣嵩求隱避

處嵩未還固又令鈴下偵賊賊得鈴下遂得殺固嵩

痛憤仗劍直入湖亦聚其賓客百餘人攻儻戰死魯

遂有漢中數害漢使焉上書言米賊斷道 至劉

焉子璋為牧時魯益驕恣璋建安五年殺魯母弟

魯璋巴夷杜濩朴胡哀約等叛為儻敵魯時使使漢

朝亦慢驕帝室以亂不能征就拜鎮民中郎將漢寧

太守不置長吏皆以祭酒為號置數郡李思等討之不能克而巴西四郡乃以義為太守又遣



楊懷高沛守關頭請劉先主討魯先主更襲取璋

二十年魏武帝西征魯魯走巴中先主將迎之而魯功曹巴西閭圃說魯北降歸魏武贊以大事宜附託不然西結劉備以歸之魯勃然曰甯爲曹公作奴不爲劉備上客遂委質魏武武帝拜魯鎮南將軍封襄平侯又封其五子皆列侯 時先主東下江安

巴漢稽服魏武以巴夷王杜濩朴胡袁約爲三巴太守留征西將軍夏侯淵及張郃益州刺史趙雲等守漢中遷其民於關隴 二十四年春先主進軍攻

漢中至定軍淵郃顯來戰大爲先主所破將軍黃忠

斬淵顯首

魏武帝復西征先主先主曰孟德雖

來無能爲也我必有漢川矣先主遂爲漢中王將還

成都當得重將以鎮漢中衆皆以必張飛張飛心亦

自許先主乃以牙門義陽魏延爲鎮遠將軍漢中太

守先主大會羣臣問延曰今委卿以漢中卿居之若

何對曰若曹操舉天下而來請爲大王拒之若偏將

十萬而來請爲大王吞之衆壯其言初魏武之留淵

郃也以雞肋示外外人莫察惟主簿楊脩知之故曰

夫雞肋棄之如可惜食之無所得以比漢中也

是後處蜀魏界固險重守自丞相大司馬大將軍皆



鎮漢中 蜀平梁州治沔陽 太康中晉武帝

子漢王迪受封更曰漢國郡但六縣

南鄭縣 郡治 周貞王十六年秦厲公城之

有池水從旱山來入沔大姓李鄭趙氏

沔陽縣 州治 有鐵官又有度水水有二源

一曰清檢二曰濁檢有魚穴清水出鱖濁水出鮒常

以二月八月取蜀丞相諸葛亮葬定軍山

襄中縣 孝昭帝元鳳六年置本都尉治也山名

扶木水名有唐公房祠也

成固縣 蜀時以沔陽為漢城成固為樂城

蒲池縣

西鄉縣

魏興郡本漢中西城縣 哀平之世縣民錫光字

長沖為交州刺史徙交趾太守王莽篡位據郡不附

莽方有事海內未以為意等俱所在兵起遂自守更

始即位作正其本官世祖嘉其忠節徵拜為大將軍朝

侯祭酒封鹽水侯 後漢中野寇亂縣士獨存漢

季世別為郡 建安二十四年劉先主命宜都太

守孟達從種歸北伐房陵上庸自漢中又遣副軍中

郎將劉封乘沔水會達上庸以申耽弟儀為建信將



軍西城太守達耽降魏黃初二年文帝轉儀為魏興  
太守封鄖鄉侯 蜀平遂治西城屬縣六戶萬去  
洛一千七百里土地險隘其人半楚風俗略與荊州  
沔中郡同

西城縣 郡治 元康元年封越騎校尉蜀郡

何攀為公國也

錫縣

安康縣

興晉縣 晉置

鄖鄉縣 本名長利縣縣有鄖鄉當作關見漢書地理志

洵陽縣 洵水所出

上庸郡故庸國楚與巴秦所共滅者也秦時屬蜀後  
屬漢中 漢末為上庸郡 建安二十四年孟

達劉封征上庸上庸太守申耽稽服遣子弟及宗族  
詣成都先主拜耽征北將軍封鄖鄉侯仍郡如故

黃初中降魏文帝拜耽懷集將軍徙居南陽省上  
庸并新城而達誅後復為郡屬縣五戶七千去洛一  
千七百里

上庸縣 郡治

北平縣



安樂縣

咸熙元年為公國封劉後主也

按當有誤也

文言屬縣五而今有六縣或不數公國耳但考晉書地理志幽州燕國有安樂國相蜀主劉禪封此縣公明不得屬上庸此之云然所未詳矣

武陵縣

安富縣

微陽縣

新城郡本漢中房陵縣也秦始皇徙呂不韋舍人萬

家於房陵以其隘地也

漢時宗族大臣有罪亦

多徙此縣

漢末以為房陵郡

建安二十四

年孟達征房陵殺太守蒯祺進平三郡與劉封不和

封奪達鼓吹關羽圍樊城求助於封達封達以新據

山郡未可擾動為辭羽為吳所破殺達既忿封又懼

先主見責遂拜書先主書叛降魏魏文帝善達姿才

容觀以為散騎常侍建武將軍襲劉封封敗走達據

房陵文帝合三郡為新城以達為太守後蜀丞相諸

葛亮將北伐招達為外援故貽書曰嗟乎孟子度邇

者劉封侵凌足下以傷先主待士之望慨然永歎每

存足下平素之志豈虛託名載策者哉都護李嚴亦

與書曰吾與孔明並受遺詔思得良伴吳主孫權亦

招之達遂背魏通吳蜀表請馬弩於文帝撫軍司馬



宣王以為不可許帝曰吾為天下主義不先負人當使吳蜀知吾心乃多與之過其所求 明帝太和

初達叛魏歸蜀時宣王屯宛知其情乃以書喻之曰

將軍昔棄劉備託身國家委將軍以疆場之任任將

軍圖蜀之事可謂心貫白日蜀人愚智莫不切齒於

將軍諸葛亮欲相破惟苦無路耳模之所言舊校云

遣詐降洩郭謨亮非小事也亮豈輕之而令宣露此殆易知

耳達乃以書與亮曰宛去洛八百去此千二百里聞

吾舉事當表上天子比相反覆一月間也則吾城已

固諸軍足辨則吾所在深險司馬公必不自來諸將

來吾無患矣及兵到達又生亮曰吾起事八日而兵

至城下何其神速也亮以其數反覆亦不排遂為宣

王所誅滅 宣王分為二郡新城屬縣四戶二萬

去洛一千六百里

房陵縣 鄧治 舊說此二 有維山維水所出

東入瀘 舊校云瀘疑誤當作瀘今按當依漢書地理

過中廬 東維水自房陵縣維山

涿鄉縣

昌魏縣

綏陽縣



右三郡漢中所分也在漢中之東故蜀漢謂之東三郡蜀時為魏屬荊州晉元康六年始遷梁州山水艱阻有黃金子午馬聰驍建鼓之阻又有作道九君搏土作人處而其記及漢中記不載又不為李雄所據據識其大梗概未能詳其小委曲也

梓潼郡本廣漢屬縣也 建安十八年劉先主自

葭萌南攻州牧劉璋留中郎將南郡霍峻守葭萌城張魯遣將楊帛誘峻求共城守峻曰小人頭可得城不可得也帛退劉璋將向存扶禁由巴閬水攻峻歲餘不能克峻眾才八百人存眾萬計更為峻所破敗

退走成都既定先主嘉竣功 二十二年分廣漢

置梓潼郡以竣為太守屬縣六當作戶萬去洛二千

八百三十八里東接巴西南接廣漢西接陰平北接

漢中土地出金銀丹漆藥蜜也世有雋彥人年於巴

蜀

梓潼縣 郡治 有五婦山故蜀五丁士所拽

蛇崩山處也有善板桐一曰惡子民歲上雷杼十枚

歲盡不見見云雷取去四姓文景雍鄧者也舊枝云

梓潼當作

涪縣 去成都三百五十里水通於巴涪蜀為東



北之要蜀時大將軍鎮之有岩田平本稻田屏水出屏山其源出金銀鑛洗取火融合之為金銀陽泉出石丹大司馬蔣琬葬此大姓楊杜李人士多見者舊傳也

晉壽縣

本葭萌城劉氏更曰漢壽水通於巴西

又入漢川有金銀鑛民今歲歲洗取先之蜀亦大將軍

鎮之漆藥蜜所出也大將軍費禕葬此山大姓葬此

者多

白水縣

有關尉故州牧劉璋將楊懷高沛守也

漢德縣

舊作廣漢縣德陽縣誤衍今刪正漢德縣沈約以為疑劉氏所立廣漢郡之廣漢縣德陽

縣自在蜀志中不詳其詳也

有劍閣道三十里至險有閣尉

桑下兵民也

武都郡本廣漢郡都尉治也

元鼎六年別為

郡屬縣九戶萬去洛一千八百七十八里東接當有

梓潼西接天水北接涪平上地險阻有麻田民當有

羌戎之民其人半多勇健出名馬牛羊漆蜜水經

仇延池左百頃疑此有脫文有瞿堆百頃險勢

使常依之為叛漢世數征討之分徙其羌遠至酒泉

敦煌其攻戰壘戍處所亦多 建安二十四年先

主遣將軍雷同吳蘭平之為魏將曹洪所破殺



魏益州刺史天水楊阜治此郡阜以濱蜀境移其氏  
僂於汧雍及天水略陽 建興七年丞相諸葛亮

遣護軍陳戒伐之遂平武都陰平二郡還屬益州

魏將夏侯淵張郃徐晃征伐常由此郡而蜀丞相

亮及魏延姜維等多從此出秦川遂荒無留民其氏

僂楊濮屬魏魏遙置其郡當重有屬蜀蜀平屬

雍州 太康六年還梁州 八年氏僂齊萬年

反郡罹其寇晉民流徙入蜀及梁州 永嘉初天

水氏僂楊茂搜率種人為寇保據其郡貢獻長安慈

帝以胡寇方盛欲懷來戎瞿拜驃騎將軍 左賢

王劉曜破長安丞相平昌八上隴據天水茂搜數饋

平昌公拜茂搜長子難敵征南將軍少子堅頭龍曠

將軍種眾疆盛東被攻用有連年雄威茂光戎時平

昌公為劉曜所破其安作賊於時并其地如一國茂

搜死敵堅代為主敵茂劉曜自攻武都敵堅南秦雄

至晉壽遣子為質又厚賂雄兄晉壽守其地曜不獲

敵堅當重有敵引還武都恃險驕慢攻走雄陰平太

守羅演演雅舅也雅忿恚白兄含與雄求征之雄使

含雅持雅數千人攻之時敵妻死葬於陰平含雅徑至

下辨入武街城以入無繼盡為氏僂所破



原平在漢代屬同州

敵堅死子盤毅復代為主咸康四年敵從弟初殺盤毅兄弟代為主迄今自茂搜父子之結據也通

晉家及李雄劉曜石勒石虎張駿皆稱臣奉貢受其官號所向用其官及其年號

下辨縣 郡治 一曰武街

武都縣 東漢水所出有天池澤

上祿縣 舊脫縣字今補正

故道縣

河池縣 泉街 舊街縣字今刪正 水入沮合漢也

沮縣 河池 按河池二字當作沮見漢書地理志此沮水水經注所謂河水一名沮水

也者水所出東狼谷也

平樂縣

脩成縣

嘉陵縣

陰平郡本廣漢北部郡尉 永平後羌虜數反遂

置為郡屬縣四戶萬去洛二千二百四十四里東接

漢中南接梓潼西接隴西北接酒泉土地山險人民

剛勇多氏恆有黑白水羌紫羌胡虜風俗所出與武

都略同 漢安帝永初二年羌反燒郡城郡人退

住白水會漢陽諸羌反溢入漢殺太守漢陽杜琦白



稱將軍叛亂廣漢郡屯葭萌漢使御史大夫唐喜討  
琦進討羌經年不下詔賜死更遣中郎將尹就討羌  
亦無功諸郡太守皆屯涪 元初五年巴郡板楯

軍救漢中漢中大破羌羌乃退郡復治置助郡都尉

劉先主之入漢中也爭二郡不得 建興七

年諸葛亮始命陳戒平之 魏亦遙置其郡屬雍

州自景谷有步道徑江油左儋行出涪鄧艾從之伐

蜀 元康六年還屬梁州 永嘉末太守王鑿

粗暴郡民毛深左騰等逐出之相率降李雄晉民盡

出蜀氏羌爲楊茂搜所占存

陰平縣 郡治 漢曰陰平道也

甸氏縣 有白水出徼外入漢

平武縣 有關山自景谷有步道徑江油左儋出

涪鄧艾伐蜀道也劉主時置義守號關尉

剛氏縣 涪水所出有金銀鑛

右梁州

誤曰漢沔彪炳靈光上照在天鑿爲雲漢於地畫爲  
梁州而皇劉應之洪祚悠長肅公之云不亦宜乎

華陽國志卷第二

卷二

合津



華陽國志卷第三

蜀志

蜀之為國肇於人皇與巴同圖至黃帝為其子昌意

娶蜀山氏之女生子高陽是為帝嚳封其支庶於蜀

世為侯伯歷當脫唐虞二字夏商周武王伐紂蜀與焉其地

東接於巴南接於越北與秦分西奄峨嵒地稱天府

原曰華陽故其精靈則井絡垂耀江漢遵流河圖括

地象曰岷山之精舊脫精字今補正上舊誤下今補正為井絡帝以

會昌神以建福夏書曰岷山導江東別為沱泉源深

盛為四瀆之首而分為九江其實則有璧玉金銀珠

原本歷友... 同作真

江東... 補正... 九



碧銅鐵鉛錫赭聖錦繡罽毼犀象氈毼丹黃空青桑  
漆麻紵之饒滇獠賈焚僮僕六百之富其卦值坤故  
多斑綵文章其辰值未故尚滋味德在少昊故好辛  
香星應輿鬼故君子精敏小人鬼黠與秦同分故多  
悍勇在詩文王之化被乎江漢之域秦豳同詠故有  
夏聲也其山林澤漁園圃瓜果節代熟靡不  
有焉有周之世限以秦巴雖奉王職不得與春  
秋盟會君長莫同書軌周失綱紀蜀先稱王有  
蜀侯蠶叢其目縱始稱王死作石棺石椁國人從之  
故俗以石棺槨為縱目人家也次王曰權柏次

王曰魚鳧王田於蒲山忽得仙道蜀人思之為立祠

後有王曰杜宇教民務農一號杜主時朱提有

梁氏女利遊江源宇悅之納以為妃移治郫邑或治

瞿上七國謂杜宇稱帝號曰望帝更名蒲卑

自以功德高諸王乃以褒斜為前門熊耳靈關為後

六玉壘峨眉為城郭江潛緜洛為池澤以汶山為畜

牧南中為園苑有水災其相聞明決玉壘山以除

水害帝遂委以政事法堯舜禪授之義遂禪位於開

明帝升西山隱焉時適二月子鵲鳥鳴故蜀人悲子

鵲鳥鳴也巴亦化其教而力農務迄今巴蜀民農時



先祀社主君當作開明當重有開位號曰叢帝叢帝

生盧帝盧帝攻秦至雍生保子帝 帝攻青衣雄

張當作獠當作九世有開明帝始立宗廟以酒曰

醴樂曰荆人尚赤帝稱王時蜀有五丁力士能移山

舉萬鈞每王薨輒立大石長三丈重千鈞為墓志今

石筍是也號曰筍里未有諡列但以五色為主故其

廟稱青赤黑黃白帝也 開明王自夢郭移乃徙

治成都 周顯王之世蜀王有褒漢之地因獵谷

中與秦惠王遇惠王以金一筍遺蜀王王報珍玩之

物物化為土惠王怒羣臣賀曰天承我矣王將得蜀

土地惠王喜乃作百牛五頭朝瀉金其後曰牛便金

有養卒百人蜀人悅之使使謂有牛惠王許之乃遣

五丁迎石牛既不便金怒遣還之乃嘲秦人曰東方

牧犢兒秦人笑之曰吾雖牧犢當得蜀也 武都

有一丈大化為女子美而豔蓋山精也蜀王納為妃

不習水土欲去王必留之乃為東平之歌以樂之無

幾物故蜀王哀之乃遣武丁之武都擔土為媿作冢

蓋地數畝高七丈上有石鏡今成都北角武擔是也

後王悲悼作火邪歌隴歸之曲其親埋作家者皆立

方石以志其墓成都縣內有一方折石圍可六尺長



三丈許去城北六十里曰毗橋亦有一折石亦如之  
長老傳言五丁士擔土擔也公孫述時武擔石折故  
治中從事任文公歎曰噫西方智士死吾其應之歲  
中卒 周顯王二十二年蜀侯使朝秦秦惠王數  
以美女進蜀王感之故朝焉惠王知蜀王好色許嫁  
五女於蜀蜀遣武丁迎之還到梓潼見一大蛇入穴  
中一人攬其尾掣之不禁至五人相助大呼拙蛇山  
崩時壓殺五人及秦五女并將從而山分爲五嶺直  
頂上有平石蜀王痛傷乃登之因命曰五婦冢山川  
當作穿平石上爲望婦堠作思妻臺今其山或名五  
屬下讀

丁冢

蜀王別封弟葭萌於漢中號葭侯命其邑

曰葭萌焉葭侯與巴王爲好巴與蜀仇故蜀王怒伐

葭侯葭侯奔巴求救於秦秦惠王方欲謀楚華臣議

曰夫蜀西僻之國或欲爲鄰不如伐楚司馬錯中尉

田真黃曰蜀有桀紂之亂其國富饒得其布帛金銀

足給軍用水通於楚有巴之勁卒浮大船以東向

楚楚地可得得蜀則得楚楚亡則天下并矣惠王曰

善 周慎王五年秋秦大夫張儀司馬錯都尉墨

等從石牛道伐蜀蜀王白於葭萌拒之敗績王遽走

至武陽爲秦軍所害其相傅傅相及太子退至逢鄉死於



白鹿山開明氏遂亡凡王蜀十二世 冬十月蜀

平司馬錯等因取苴與巴馬 周赧王元年秦惠王

封子通國為蜀侯以陳壯為相置巴郡以張若為蜀

國守戍伯尙強乃移秦民萬家實之 三年分巴

蜀置漢中郡 六年陳壯反殺蜀侯通國秦遣庶

長甘茂張儀司馬錯復伐蜀誅陳壯 七年封子

惲為蜀侯司馬錯率巴蜀眾十萬大舶舩萬艘米六

百萬斛浮江伐楚取商於之地為黔中郡 五年

惠王二十七年按此有誤也考史記赧王二年公孫

蜀相秦惠王立十三年明元又十二年凡二十

四年當惠二十七年也是年惠王卒赧五年當儀與秦武王元年也必經宋人改竄遂不可通耳

若城成都周迴十二里高七丈郛城周迴七里高六

丈臨邛城周迴六里高五丈造作下倉上皆有屋而

置觀樓射蘭 成都縣本治赤甲街若徒置少城

內城營廣府舍置鹽鐵市官并長丞條整里閭市張

列肆與咸陽同制其築城取土去城十里因以養魚

今萬歲當有池是也惠王二十七年也 城北又

有龍垣當作池城東有千秋池城西有柳池當有西

井池津流徑通冬夏不竭其園囿因之平陽山亦有

池澤蜀之魚畝之地也 赧王十四年蜀侯惲卒



山川獻饋於秦孝文王。憚後母害其寵，加毒以進。王將嘗之，後母曰：饋從二千里來，當試之。王與近臣近臣，卽斃文王。大怒，遣司馬錯賜憚劍，使自裁。憚懼，夫婦自殺。秦誅其臣中郎，令嬰等二十七人蜀人葬。憚郭外。十五年，王封其子綰爲蜀侯。十七年，聞憚無罪，冤死，使使迎喪入葬之。郭內初則炎旱，三月後又霖雨，七月車溺不得行，喪車至城北門，忽陷入地。中蜀人因名其門曰咸陽門，爲蜀侯憚立祠。其神有靈，能興雲致雨，水旱禱之。三十年，疑蜀侯綰反，王復誅之，但置蜀守張若，因取笮及其江南。

地也

周滅後，秦孝文王以李冰爲蜀守，冰能知

天文地理，謂汶山爲天彭門，乃至湔氐縣，見兩山對

如闕，因號天彭門。若見神，遂從水上立祀三所。

祭用三牲，其牲沈澆，漢興數使使者祭之。冰乃

壅江作壩，穿郫江，檢江別支流，雙過郡下，以行舟舩。

岷山多梓柏，大竹，頗隨水流，坐致材木，功省用饒。又

灌溉三郡，開稻田。於是蜀沃野千里，號爲陸海。旱則

引水浸潤，雨則杜塞水門，故記曰：水旱從人，不知飢

饑。時無荒年，天下謂之天府也。外作石犀五頭，以厭

水精，穿石犀溪於江南，命曰犀牛。犀牛二



頭一在府市市橋門今所謂石牛門是也一在淵中  
 乃自湔堰上分穿羊摩江灌江西於玉女房下白沙  
舊誤自涉 郵作三石人立三水中與江神要水竭不  
今改正 至足盛不沒肩時青衣有沫水出蒙山下伏行地中  
 會江南安觸山脇岩下涸崖水脉漂疾破害舟舩歷代患  
 之冰發卒鑿平涸崖通正水道或曰冰鑿崖時水神  
 怒冰乃操刀入水中與神鬪迄今蒙福 熨道有  
 故蜀王兵蘭亦有神作大灘江中其崖峭峻不可鑿  
 乃積薪燒之故其處懸崖有赤白五色 冰又通  
 笮通當作文舊誤井江徑臨邛與蒙溪分水白木

江會至武陽天社山下合江又導洛通山洛水或  
 出瀑口經什邡邛崃江會新都大渡 又有縣水  
 出紫巖山經縣竹人洛東流過資中會江陽皆溉灌  
 稻田膏潤稼穡是以蜀川人稱邛繁曰膏腴縣洛為  
 浸沃也 又識齊水脉穿廣都鹽井諸陂池蜀於  
 是盛有養生之饒焉 漢祖自漢中出三秦伐楚  
 蕭何發蜀漢木萬餘而給助軍糧收其精銳以補傷  
 疾雖王在也蜀南中不實也 高祖六年始分置  
 廣漢郡 高祖六年熨道開青衣 孝文帝  
 末年以廣江文翁為蜀守穿湔江以溉灌繁田十七



百頃是時世平道治民物阜康承秦之後學校陵夷  
俗好文刻當作刺翁乃立學選吏子弟就學遣雋士張

叔等十八人東詣博士受七經還以教授學徒鱗萃

蜀學比於齊魯巴漢亦立文學孝景帝嘉之令天下

郡國皆立文學因翁倡其教蜀為之始也 孝武

帝皆徵入叔為博士叔明天文灾異始作春秋章句

官至侍中揚州刺史 元光四年置蜀四部都尉

元鼎二年立成都十八部當作門見蜀都賦及劉淵林注於是

郡縣多城觀矣 六年分廣漢置犍為郡按地理志建元

六年開元封元年分犍為置犍為郡按地理志元

二年分犍柯置益州郡按地理志元六年以廣漢西

部當有蜀南部為越雋郡按地理志元鼎六年開考

六年置雋郡又二十四年為元鼎六年置犍柯郡

及越雋郡地理志同以此文先後北部冉駹為

汶山郡當有犍為沈黎郡合置二十餘縣

天漢四年罷沈黎置兩部都尉一治旄牛當有外

羌一治青衣王漢民 孝宣帝地節三年罷汶山

郡置北部都尉 時又穿臨邛蒲江鹽井二十所

增置鹽鐵官 蜀白漢興至乎哀平皇德隆熙故

守仁明宣德立教風雅英偉之上命世挺生感於帝



思於是璽書交馳於斜谷之南玉帛踐乎梁益之鄉  
而西秀彥盛或龍飛紫閣允陟璿璣或盤桓利居經  
綸皓素故司馬相如耀文上京楊子雲齊聖廣淵嚴  
君平經德秉哲王子淵才高明雋李仲元湛然岳立  
林公猶訓詰詰第一作詰元遠何君公謨明弼諧王延世著勲河  
平其次楊壯何顯得意之徒恂恂焉斯蓋華岷之靈  
標江漢之精華也故益州刺史王襄悅之命王襄作  
中和頌令胄子作鹿鳴聲歌之以上孝宣帝帝曰此  
盛德之事朕何以堪之卽拜爲郎 降及建武以  
後爰迄靈獻文化彌純道德彌臻趙志伯三遷台衡

子柔兄弟相繼元輔司空張公宣融皇極太常仲經  
爲天下材英廣陵太守張文紀號天下整理武陵太  
守杜伯持能決天下所疑王稚子震名華夏常茂尼  
流芬京尹其次張俊秦宓英辨博通董扶楊厚究知  
天文任定祖訓徒同風洙泗其孝悌則有姜詩感物  
寤靈禽堅精動殊俗傀通石橫中流吳順赤烏來巢  
其忠貞則王皓隕身不傾朱遵絆馬必死王累懸頸  
州門張任守節故主其淑媛則有元常紀常程瑛及  
吳凡先絡邠之二姚殷氏兩女趙公夫人自時厥後  
龍宗有鱗鳳集有翼指紳邵石之疇比肩而進世載



其美是以四方述作有志者莫不仰其高風範其遺  
則擅名八區爲世師表矣其忠臣孝子烈士貞女不  
勝詠述雖魯之詠洙泗齊之禮稷下未足尙也故漢  
徵八士蜀有四焉然秦惠文始皇克定六國輒徙其  
豪傑於蜀資我豐土家有鹽銅之利戶專山川之材  
居給人足以富相尙故工商致結駟連騎豪族服王  
侯美衣娶嫁設太牢之廚膳歸女有百兩之徒車送  
葬必高墳瓦椁祭奠而羊豕夕牲贈襪兼加賙賻過  
禮此其所失原其由來染秦化故也若卓王孫家僮  
千數程鄭各八百人而郤公從禽巷無行人簫鼓歌

吹擊鍾肆懸富侔公室豪過田文漢家食貨以爲稱  
首蓋亦地沃土豐奢侈不期而至也

蜀郡州治屬縣五

當作

戶漢

計七

萬管

六萬

五千

上

洛三千一百二十里東接廣漢北接汶山西接漢南

當有補健爲

州治

太城

郡治

少城

西南

南江

在

七橋直西門郛江中沖治橋西南石牛門口市橋下

石岸所潛淵中也城南曰江橋南渡流曰萬里橋西

上曰夷里橋上

當作

曰竿橋

橋

當作

從沖治橋西出

長

岸橋

郛江上

有

有

有

有

有

長老傳言李冰造七橋上應七星故

長

老傳言

李冰

造

七

橋

上

應

七

星

故

長

老

傳

言



世祖謂吳漢曰安軍宜在七當有橋連二星閒城北

十里有昇仙橋有送客觀司馬相如初入長安題市

當作門曰不乘赤車駟馬不過汝下也其鄠當有西

上有永平橋於是江衆多作橋故蜀立里多以橋為

名其大江自渝堰下至犍為有五津始曰白華

津二曰里津三曰江首津四曰涉當作頭津劉璋時

召東州民居此改曰東州頭五曰江南津入犍為有

漢安橋玉津東沮津津亦七始文翁立文學精

舍講堂作石室一作王室在城南永初後堂遇

火太守陳留高眺更脩立又增造二石室州奪邵文

學為州學部更於夷里橋南岸道東邊起文學有女

牆其道西城故錦官也錦官織錦濯其中則鮮明濯

他江則不好故命曰錦里也西又有車官城其

城東西南北皆有軍營壘城其郡四出大道道實二

十里有衢今言十八里者昔蜀王女未嫁年二十七

王哀悼不忍言二十故言十八也王女墓在城北今

王女陌是也其太守著德垂績者前漢莫聞建

武以來有弟五倫廉范叔度特垂惠愛百姓歌之曰

廉叔度來何暮來時我單衣去時重方袷其後漢中

地瑤自扶風太守來之郡司空張溫謂曰弟五伯魚



從蜀郡為司空今埽吾第以待足下瑤換廣漢陳留  
 高<sup>映</sup>亦播文教太尉趙公初為九卿適子甯還蜀<sup>映</sup>  
 命為文學撰鄉俗記亦能屈士如此廣漢王商犍為  
 揚洪皆見詠懷 及晉建西夷府太守多遷為西  
 夷校尉亦遷益州刺史

成都縣 郡治 有十二鄉五部尉漢戶七萬

晉三萬七千名難治時廣漢馮顛為令而太守京兆  
 劉宣不奉法顛奏免之立文學學徒八百人實戶口  
 萬八千開稻田百頃治有尤異後有廣漢劉龐為令  
 大姓恣縱諸趙倚公故多犯法濮陽太守趙子真父

子強橫龐治其罪莫不震肅郭民陽伯侯奢侈太起  
 家營因龐為郭令伯侯遂徙占成都龐復為成都豪  
 右敬服有蜀侯祠大姓有郫杜張趙郭楊氏富先有  
 程鄭邽公後有郭子平奢豪楊伯侯兄弟

郫縣 郡西北六十里冠冕大姓何羅郭氏

繁縣 郡北九十里有泉水稻田三張為甲族

江源縣 郡西渡大江濱文井江去郡一百二十

里有青城山稱江祠安漢上下朱邑出好麻黃潤細

布有羌筒盛小亭有好稻田東方常氏為大姓文井

皆有守堤按守堤當作常三十里上有天馬祠



臨邛縣

郡西南二百里本有邛民秦始皇徙上

郡實之有布濮水從布濮來合文井江有火井夜時光映上昭民欲其火先以家火投之頃許如雷聲火焰出通耀數十里以竹筒盛其火藏之可拽行終日不滅也井有二當有水設水取井火煮之一斛水得五斗鹽家火煮之得無幾也有古石山有石鑛大如蒜子火燒合之成流支鐵甚剛因置鐵官有鐵祖廟祠漢文帝時以鐵銅賜侍郎鄧通通假民卓王孫歲取千匹故王孫貨累巨萬億鄧通錢亦盡天下王孫女文君能鼓琴時有司馬長卿者臨邛令王吉與之游王

孫家文君因奔長卿漢世縣民陳立歷巴郡特柯天水太守有異政陳氏劉氏爲大姓冠蓋也

廣都縣

郡西三十里元朔二年置有鹽井漁田

之饒大豪馮氏有魚池鹽井縣凡有小井十數所及

漁田之饒江有魚漕梁山有鐵鑛江西有安

當有稻

田穿山崖過水二十里漢時縣民朱辰字元燕爲巴

郡太守甚著德惠辰卒官郡獫民北送及墓獫蠶鼓

刀辟踊感動路人於是葬所草木頃許皆倣之曲折

迄今蜀人莫不歎辰之德靈爲之感應今朱氏爲首

族也



成都市官本有長建武十八年省

蜀郡太康初屬王國改號曰成都內史王改封乃復舊

廣漢郡高帝六年置屬縣八漢戶十七萬晉四萬去

洛三千里南去成都百二十里西接汶山北接梓潼

東接巴郡本治繩鄉安帝永和中陰平漢中羌反元

初二年移涪後治雒城王莽改曰就都公孫述名曰

子同益州以蜀郡廣漢犍為為三蜀土地沃美

人士俊又一州稱望然漢選蜀郡廣漢太守每重德

高俊故前趙護弟五伯魚後有蔡陳表章禮物殊於

諸郡其太守著功德者有劉感孫賓蔡當有茂字陳寵伯

魚自郡遷遷司徒寵亦至三公而後諷尹睦鮮于定

趙瑤皆公望也薛鴻輩卿佐也而許靖亦為上公及

何祗常閔皆有稱以處州中益州恆治此郡初

平中益州牧劉焉自緜竹移雒縣城築闕門云其地

不王乃留孫脩據之建安十八年劉先主自涪

攻圍且一年軍師龐統中流矢死先主痛惜言則涕

泣廣漢太守南陽張存曰統雖可惜違大雅之體先

主怒曰統殺身成仁非仁乎即免存官十九年

夏雒城拔襄陽馬良書貽諸葛亮曰承雒城已下尊

吳志云  
成都郡  
治成都  
漢高祖  
置郡  
太康初  
屬王國  
改號曰  
成都  
內史王  
改封乃  
復舊



兄配業光國魄兆見矣時州或治成都時復治雒爲蜀淵府

雒縣 郡治 汎當作沈鄉有孝子姜詩田地宅

姓族有鐔李郭翟氏

緜竹縣 劉焉初所治緜與雒各出稻稼畝收三十斛有至五十斛漢時任定祖以儒學教號侔洙泗

有多士秦杜爲首族也

什仿縣 山出好茶楊氏爲大姓美田有鹽井

新都縣 蜀以成都廣都新都爲三都號名城有

金堂山水通於巴漢時五倉名萬安倉有棗魚梁多

名士有楊厚董扶又有四姓馬史汝鄭者也

五城縣 郡東南有水通於巴漢時置五倉發五

縣民尉部主之後因以爲縣出龍骨云龍升其山值

天門閉不達墮死於此後沒地中故掘取得龍骨

郫縣 有山原田富國鹽井澗出好棗宜君山出

麋當作鹿廣尾特好人貢大姓王李氏又有高馬家

世掌部曲蜀時高勝馬秦皆判伏誅

廣漢縣 有山原田蜀時彭義當作義有雋才晉世

改當作段容見後賢志號今德故二姓爲甲族也

德陽縣 有青石祠山原肥沃有澤漁之利士女

有青石祠山原肥沃有澤漁之利士女

有青石祠山原肥沃有澤漁之利士女

有青石祠山原肥沃有澤漁之利士女



貞孝望山樂水土地易爲生事車騎將軍鄧芝雅有  
終焉之思後遂葬其山太守夏侯慕時古濮爲功曹  
康古表當有氏爲四姓大族之甲者也

劉氏延熙中分廣漢四縣置東廣漢郡咸熙初省秦  
始末又分置新都郡太康省末年又置蜀王國蜀郡  
常騫爲內史永嘉末省

犍爲郡孝武建元六年置時治犍當有縣十二漢戶

十萬鬻故犍爲地是也鬻有犍山見保乾圖 武

帝初欲開南中令蜀通犍青衣道建舊誤是元年當

中犍道令通之費功無成百姓愁怨司馬相如諷諭

之使者唐蒙將南入以道不通執令將斬之嘆曰忝  
官益土恨不見成都市蒙卽令送成都市而殺之蒙  
乃斬石通閣道故世爲諺曰思都郵斬令頭云後蒙  
爲都尉治南夷道 元光五年郡移治南廣

太初舊脫此二字今四年益州刺史任安城武陽

孝昭元年郡治犍道後徙武陽至晉屬縣五戶

二萬去洛三千二百七十里東接江陽南接朱提北

接蜀郡西接廣漢當作王橋并其北山彭祖家當有

其彭蒙當作白虎仁於廣德寶鼎見於江漑綏和五

年又上寶磬十六劉向以爲美化所降用立辟雍而



士多仁孝女性貞專王莽改曰西順郡人不會更始  
都南陽遠奉貢職及公孫述有蜀郡拒守述伐之郡  
功曹朱遵逆戰眾寡不敵遵絆馬死戰遂為述所并  
而任君業閉戶費貽素隱光武帝嘉之曰士大夫之  
郡也 郡去成都百五十里渡大江昔人作大橋  
曰漢安橋廣一里半每秋夏水盛斷絕歲歲脩理百  
姓苦之建安二十一年太守南陽李嚴乃鑿天社山  
尋江通車當道省橋三津吏民悅之嚴因更造起府  
寺觀壯麗為一州勝宇 二十四年黃龍見武陽  
赤水九日蜀以劉氏瑞應其太守漢興以來鮮有顯

者

武陽縣

郡治

有王橋彭祖祠蒲

當作江

為字見大堰灌郡下六門有朱遵祠山出鐵及白玉  
特多大姓有七楊五李諸姓十二也

南安縣

郡東四百里治青衣江會縣既有名灘

當作灘名誤倒灘

句絕讀名下屬 一當曰雷垣

當作二當作亦皆曰

鹽漑李冰所平也有柑橋官社漢有鹽井南安武陽

皆出名茶多陂池西有熊耳當有缺字續漢南有峨

眉山山去縣八十里孔子地圖言有仙藥漢武帝遣

使者祭之欲致其藥不能得有四姓能宣謝審五大



族楊費又有信士呂孟真紀至行也

棘道縣

又南安東四百里距郡百里高后六年

城之治馬湖江會水通越舊本有棘人故秦紀言棘

童之富漢民多漸斥徙之有荔茭薑蒟濱江有兵蘭

李冰所燒之崖有五色赤白映水元黃魚從楚當作

水經來至此而止畏崖映水也有韓原素祠又有孝

子隗通為母汲江齋當作水天為出平石生江

當有中今石在馬湖江而孝子吳順奉母赤烏巢其

門崩容江出好磨石江多魚害民失在於徵烏好鬼

妖大姓吳隗又有楚石薛相者

牛鞞縣

受新都江去郡三百里元鼎二年置絕

相當作有陽明鹽井程韓氏為冠蓋之族

資中縣 受牛鞞江也先有王延世著勳河平後

有董鈞為漢定禮王董張趙為四族二縣在中多山

田少種稻之地以上三十六字舊錯簡

江陽郡舊此下錯簡本犍為枝江都尉建安十八年

置郡漢安程徵石謙白州牧劉璋求立郡璋聽之以

都尉廣漢成存為太守屬縣四戶五千去洛四千八

百里東接巴郡南接犍柯西接廣漢當作犍為北

接廣漢有荔茭巴菽桃枝蒟給當作橙俗好文刻當作



刺少儒學多樸野蓋天性也舊校云有荔枝芭菽桃枝蒟給橙字與上文巴

志序所稱果蔓名大同小異

江陽縣 郡治 治舊脫治字今補正 江雒會有方山

蘭祠江中有大闕小闕季春黃龍堆沒闕即平昔云

世祖微時過江陽有一子望氣者曰江陽有貴兒氣

王莽求之縣人殺之後世祖為子立祠謫江陽民不

使冠帶者數世有富義鹽井又郡下百二十里者曰

伯塗魚梁云伯氏女為塗氏婦造此梁四姓王孫程

鄭八族又有趙魏先周也

漢安縣 郡東當有五百里土地雖迫山水當有誤

特美好宜蠶桑有鹽井魚池以百數家家有焉一郡

豐沃四姓程姚郭石八族張季李趙輩而程石傑立

郡常秉議論選之

符縣 郡東二百里元鼎二年置治安樂水會當有

水東接巴蜀當有樂城絕句南水當有通平夷舊誤營縣今改

永建元年十二月縣長趙祉遣吏先尼和拜檄巴蜀

當有守過成瑞灘死子賢求喪不得女絡年二十五迺

分金珠作二錦囊繫兒頭下至二年二月十五日女

絡乃乘小船至父沒所哀哭自沈見夢告賢曰至二

十一日與父尸俱出至日父子浮出縣言郡太守蕭



登高之上尚書遣戶曹掾為之立碑人為語曰符有先緒夔道張帛求其夫天下無有其偶者矣

新樂縣 郡西二百八十里元康五年置西楚當

通夔道有鹽井大姓魏呂氏舊校云西楚夔道四字疑誤

汶山郡本蜀郡北部冉駹都尉孝武元封四當作鼎

武帝紀後漢書冉駹夷傳皆有明文郡立於元鼎年

六年庚午省於地節三年甲寅故凡四十五年也年

置舊屬縣八戶二十五萬去洛三千四百六十三里

東接蜀郡南接漢嘉西接涼舊誤梁州酒泉北接陰

平有六夷羌胡羌虜白蘭峒九種之戎牛馬旄氊班

屬青頓髦毚羊羖按後漢書羖未詳字書無此二字

屬特多雜藥名香土地剛鹵不宜五穀惟種麥而多

冰寒盛夏凝凍不釋故夷人冬則避寒入蜀庸賃自

食夏則避暑反落歲以為常故蜀人謂之作五百石

子也 宣帝地節元當作三漢書宣帝紀後漢書

孝宣地節二年罷汶山郡者即此事亦可年武都白

馬羌反使者駱武平之因按舊本自此脫去乃闕汶

關越舊郡首也考太平寰宇記引華陽國志宣帝地

節元及百姓詣武自訟一歲再度更賦至重邊人貧苦

無以供給求省部郡建以來四十五年矣武以賦上

遂省汶山郡後置都尉今汶山郡此四字下無慰勞

當在所關中又考晉書地理志汶山郡統縣入汶山



四漢嘉徙陽嚴道虎牛也劉昭續漢郡國志注蜀郡  
汶江道引華陽國志曰滅水曉水出焉多冰寒盛夏  
凝凍不釋孝安延光三年復立之以為郡又廣柔引  
華陽國志曰夷人營其地方百里不敢人居有過逃  
其野中不敢追云畏禹神能藏三年為人所牧有則共  
原之云禹神靈祐之又緜虎道引華陽國志曰有玉  
壘山出璧玉崩水所出當在今汶山郡所關中顏師  
古注漢書貨殖傳引華陽國志曰汶山郡都安縣有  
大芋如蹲鴟也亦當在今汶山郡所關中又劉昭注  
蜀郡屬國漢嘉引華陽國志曰汶山郡所關中又劉  
江又從岷山西來入江合郡下青衣江入大岷土岷  
多山又嚴道引華陽國志曰道至險有長嶺若棟入  
渡之難楊母閣之峻昔楊氏倡造作閣故名焉折乃  
山本名叩花故叩人作界也嚴阻峻迴曲九折又從  
至山名叩花故叩人作界也嚴阻峻迴曲九折又從  
引華陽國志曰岷山在岷山表岷山自蜀入度此  
華陽國志曰岷山在岷山表岷山自蜀入度此  
山甚險難南人壽之故名岷山表岷山自蜀入度此  
江當在險難南人壽之故名岷山表岷山自蜀入度此  
志沫青衣二水於漢嘉郡中水經沫水篇注引華陽國

今所關漢嘉郡中以此訂之郡有青衣縣不盡  
如晉志也世間已無善本得見其元文者矣  
漢嘉郡關

越嶲郡以上拜越嶲太守迎者如雲後蜀郡趙  
字溫當亦著治績太守巴郡張翥政化清平得夷

人相在部十七年安帝元初六年天子以張翥有  
遺愛乃拜其子尚為太守夷人懼喜奉迎道路此以  
上所關及僅存之原委故王莽遣任貴為鎮戍

也宋人校刊改竄全非  
大尹守之自建武後數叛按以上亦宋人校刊改竄  
初後也今但

無以正之  
章武三年越嶲高叟大帥高定元

稱王恣睢遣都督李承之煞將軍梓潼焦璜破沒郡

土丞相亮遣越嶲太守龔祿住安上縣遙領太守安



上去郡八百里有名而已

建興三年蜀安南將

軍馬忠討越巂郡夷郡夷剛很皆鴟視忠卒越巂太

守張嶷將所領之郡誘殺蘇祈邑君冬逢及其弟隗

渠等懷集種落威信允著諸種漸服又斬斯知耆帥

李承之首乃手煞焦璜龔祿者也又討叛鄯降夷人

安種落蠻夷率服疑始以郡鄒宇頽更築小塢居之

舊按云舊本記此段訛舛不重敘姑考事之本末略

加整頓刻之今按章武三年以下用三國志證之未

見訛舛李至所整頓謂其以上耳延熙二年乃還舊郡更城郡城夷

人男女莫不致力興復七縣疑遷後復頗奸軌雖有

四部斯兒當作叟下同及七營軍不足固守乃置赤甲北

軍二牙門及斯兒督軍中堅衛夷徼

邛都縣 郡治 因邛邑名也邛之初有七部

後為七部營軍又有四部斯兒南山出銅續漢書志注引邛都

河有味嵩山疑此有脫文有溫泉穴冬夏熱其溫可湯鷄豚下流

治疾病餘多惡水水神護之不可污穢及沈亂髮照

面則使人被惡疾一郡通云然

臺登縣 有孫水一曰白沙江入馬湖水山有磐

石火燒成鐵剛利禹貢厥賦柝是也又有漆漢末夷

皆有之疑取焉舊按云張嶷也

閬縣 故邛人邑續漢志注邛都引有城字接寒



關按當有誤續漢書志注引靈關道有銅山又有利慈疑此郡本有靈道縣今為脫文遂無以補之附見於今省

蘇示縣 漢末夷王及弟隗渠數偕叛以服諸種

張嶷先殺王弟隗渠又叛遁入西徼遣親信二人使

嶷嶷知奸計以重賂使使殺渠渠死夷徼肅清縣晉

省

會無縣 路通甯州渡瀘得住當作狼中志作螂南

縣故濮人邑也今有濮人家家不閉戶其穴多有碧

珠人不可取取之不祥有天馬河馬日千里後死於

蜀葬江原小亭今天馬冢是也縣有天馬祠初民家

馬牧山下或產駿駒云天馬子也今有天馬徑厥跡

存焉河中有銅胎今以羊祀之可取河中見存土地

時當作產好字犀牛當作山色志注引不誤青碧

大笮縣 漢末省也

定笮縣 笮笮當作夷也汶山口夷南中曰昆明漢

嘉越舊曰笮蜀曰邛皆夷種也縣在郡西渡瀘水賓

剛徼白摩沙夷有鹽池積薪以齊水灌而後焚之成

鹽漢末夷皆錮之張嶷往爭夷帥狼舊脫此字今補正岑槃

木王舅此二字舊誤作明今改正不肯服嶷禽撻殺之厚賞賜餘

類皆安官迄有之北沙河是



三縫縣

一曰小會無音三播

舊校云音三播字疑誤

通道

寧州渡瀘得蜻蛉縣有長谷石時坪中有石豬子母數千頭長老傳言夷昔牧豬於此一朝豬化為石迄今夷不敢牧於此

卑水縣

去郡三百里水流通馬湖

潛街縣

漢未置晉初省

安上縣

馬湖縣

水通夔道入江晉初省

右益州

漢初統郡五後漸分建蜀郡及巴郡又

分爲五郡廣漢漢中犍爲爲四郡又開益州五郡谷

二十五郡及寧州梁州建復增七郡

按以上舛駁

於是有三

州四

當有十二郡一百九十六

縣

州分後益州比新舊郡九

當有

縣四十八戶

夷晉二十二萬

誤曰蜀之爲邦天文并絡輝其上地理岷嶓鎮其域

五岳則華山表其陽四瀆則汶江出其微故上聖則

大禹生其鄉媾姻則黃帝婚其女顯族太賢彭祖育

其山列仙王喬升其岡而寶鼎輝光於中流離龍仁

虎躍乎淵陵開闢及漢國富民殷府廩穀帛家蘊畜

積雅頌之聲充塞天衢中林之詠侔乎二南蕃衍三

積雅頌之聲充塞天衢中林之詠侔乎二南蕃衍三

積雅頌之聲充塞天衢中林之詠侔乎二南蕃衍三

積雅頌之聲充塞天衢中林之詠侔乎二南蕃衍三

積雅頌之聲充塞天衢中林之詠侔乎二南蕃衍三

積雅頌之聲充塞天衢中林之詠侔乎二南蕃衍三

積雅頌之聲充塞天衢中林之詠侔乎二南蕃衍三

積雅頌之聲充塞天衢中林之詠侔乎二南蕃衍三

積雅頌之聲充塞天衢中林之詠侔乎二南蕃衍三



州土廣萬里方之九區於斯爲盛固乾坤之靈囿先  
王之所經緯也

華陽國志卷第三

